



## 磅麥仔芳

進前見若拄著拜一早起欲去學校，攏會足勢拖沙，就愛等到時間倚倚倚才會甘願出門。毋過，彼工的禮拜一，我透早就攞好咧等阿母。伊閣講：「敢是今仔日天欲落紅雨？啊無，哪會遮反常。」

連普通時仔上感的摒掃鐘仔聲，聽著嘛敢若袂蓋歹聽。塗跤猶原是落遐爾濟的葉仔咧等阮來掃，講嘛奇怪，逐家今仔日的效率特別懸，真緊就掃甲清清氣氣。

無佸久，就看著一台發財仔車，對遠遠的所在，駛過去停佇學校運動埕邊仔彼橫苦棟仔樹跤，我的心嘛綴咧飛過去矣。因為車頂載的家私會當變出阮欲食的磅麥仔芳。欲提來磅的麥仔，攏是阮學校的老師和學生囡仔親手種的。

會記得欲掖種的時，阿公驚阮共掖的種子踏踏死，愛阮學個那行那掖，感覺真好耍。收成的時，阮有學「拾穗」彼幅名畫，綴佇割麥仔機後面，向咧拈麥仔穗。會按呢做，除了欲體會彼種感覺，嘛向望另工若是咧畫圖的時，會當畫了較有感情。雖然阮毋是拈拾，毋過老師會提拈起來的麥仔穗，教阮做一寡仔嬌嬌閣有意義的物件，嘛算是一兼二顧。

麥仔總算是收成矣，阮學校種的這三坵，是遮附近上慢收成的，足濟厝烏仔因為無當討食，攏飛對遮來捅。無論是學尪仔冊內面做稻草人，抑是掛光碟片反光欲共嚇驚，攏無蓋有效。踹學校邊的阿公看毋是勢，驚阮猶未收成，麥仔就攏飼烏仔去矣，趁歇暍日阮無上課，專工去買炮仔共個嚇驚。收成了後的麥仔，曝佇籃球場邊仔，老師有教阮按怎用耙拂來反麥仔。日頭猛，耙拂重，彼時才真正體會著「一粒米，百粒汗」的道理。

看著欲磅的麥仔佇桶仔內滾絞，聽著頭家歎聲仔的聲，就知影欲磅矣，逐家緊共耳空掩起來。一下磅好勢，麥芽膏攪攪咧，研平切做一塊一塊，阮就排隊去頭前，一人一塊提來食。

一喙一喙啗啗仔哺，彼種食佇喙內小可仔甜甜閣淡薄仔鹹鹹的芳味，我永遠會記得。除了喙內，就連心肝頭嘛是彼款甜甜的滋味。

作者：黃美銀

### ☆詞彙學習☆

【拖沙】thua-sua：形容人做事拖泥帶水、不乾脆。

【感】tsheh/tshueh：怨恨、討厭。

【家私】ke-si：做工用的工具或道具，也泛指具有一定功能的工具。

【掖】iā：撒。

【向】ànn：彎下來、俯下來。

【拈拾】khioh-sip：節省、節儉。

【討食】thó-tsiáh：覓食。找食物、要飯吃。

【捅】thóng：啄。

【耙拂】pê-put：又唸作 pê-kut。用來扒穀的工具。

【歎聲仔】pùn pi-á：吹哨子。

【研】gíng：磨。